

**Mengapa
kadar tol
bercanggah?**
MS5



**Tubuh pusat
jagaan
kanak-
kanak** MS21



**Tapak
Arkeologi
Guar
Kepah** MS 24



buletin **Mutiara**

PERCUMA



1 - 15, OGOS 2013



<http://www.facebook.com/buletinmutiara>
<http://www.facebook.com/cmlimguaneng>

Selamat Menyambut Hari Raya Aidilfitri 1434H/2013 buat Muslimin & Muslimat.

Pemandu teksi lebih perlu insentif RM300 - KM

Oleh : **ZAINULFAQAR YAACOB**

GEORGE TOWN - Hampir 3,000 pemandu teksi sekitar Pulau Pinang menerima sumbangan insentif tunai keseluruhan berjumlah RM97,500 atau RM300 seorang daripada Kerajaan Negeri menjelang Hari Raya Aidilfitri baru-baru ini.

Ketua Menteri, Y.A.B. Tuan Lim Guan Eng berkata, insentif itu adalah salah satu perkara yang dimaktubkan dalam Manifesto Pakatan Rakyat Pulau Pinang pada musim Pilihan Raya Umum Ke-13 (PRU13) lepas.

Justeru, beliau berharap, pemberian insentif itu dapat menggalakkan para pemandu teksi meningkatkan mutu perkhidmatan kereta sewa masing-masing demi menyemarak lagi industri pelancongan negeri.

"Dalam manifesto tersebut, Kerajaan Negeri berjanji untuk memberi RM600 tiap-tiap tahun kepada semua (pemandu) teksi Pulau Pinang.

"Pemberian RM300 pada hari ini adalah pembayaran insentif permulaan untuk setengah tahun dan baki RM300 lagi akan dibayar kemudian dalam pertengahan tahun berikutnya," ujar beliau di Kompleks Ibu Pejabat Majlis Perbandaran Seberang Perai (MPSP) dekat Bandar Perda di sini baru-baru ini.

Exco Kerja Raya, Pengangkutan dan Utiliti, Lim Hock Seng, Dr. Afif Bahardin (Exco Pertanian & Industri Asas Tani, Pembangunan Desa dan Kesihatan), Steven Sim Chee Keong (Ahli Parlimen Bukit Mertajam), Kasthuri Patto (Ahli Parlimen Batu Kawan), Maimunah Mohd.



SEBAHAGIAN daripada pemandu teksi di daerah Timur Laut bergambar bersama kepimpinan negeri pada majlis pemberian insentif Kerajaan Negeri di sini baru-baru ini.

Sharif (Yang di-Pertua MPSP) dan Sr. Rozali Mohamud (Setiausaha MPSP) turut hadir pada Majlis Pemberian Insentif Kepada Pemandu-Pemandu Teksi dan Kereta Sewa Pulau Pinang Peringkat Daerah Seberang Perai Tengah (SPT) dan Seberang Perai Selatan (SPS).

Sumbangan diserah kepada 325 penerima meliputi kedua-dua daerah itu melalui Presiden Gabungan Pertubuhan Pemandu Teksi dan Kereta Sewa Pulau Pinang (GABUNGAN), Abd. Malik Darus.

Gabungan terdiri oleh 12 persatuan dan

jumlah keseluruhan ahli berdaftar sebanyak lebih 2,000 orang.

Difahamkan, majlis serupa turut dianjurkan di peringkat daerah Seberang Perai Utara (SPU), Timur Laut (DTL) dan Barat Daya (DBD).

Guan Eng yang juga Ahli Parlimen Bagan berkata, insentif Kerajaan Negeri sebenarnya berbeza dengan program Teksi Rakyat 1Malaysia (TR1Ma) yang diumumkan Perdana Menteri, Datuk Seri Najib Tun Razak menjelang PRU13.

TR1Ma, katanya, seakan lebih menguntungkan kroni tertentu yang

dilantik oleh Kerajaan Pusat berbanding pemandu-teksi sendiri.

Ini kerana, katanya lagi, baucar TR1Ma bernilai RM520 yang diterima oleh pemandu hanya boleh diganti dengan empat tayar di syarikat pengedar tertentu sahaja.

"Dengan sumbangan ikhlas ini, diharap semua pemandu teksi dapat menggunakan dengan berhemah untuk membeli keperluan penting dan persediaan menyambut Hari Raya tidak lama lagi,"

•sambungan di muka surat 2

Yayasan Islam anjur Festival Etnik Rawo 17 Ogos

Oleh: ZAINULFAQAR YAACOB

GEORGE TOWN - Yayasan Islam Pulau Pinang (YIPP) akan menganjurkan Festival Etnik Rawo di perkarangan Masjid Melayu Lebuh Acheh dalam lingkungan bandar warisan dunia UNESCO pada 17 Ogos depan.

Ahli Lembaga Pengaruhnya, Datuk Dr. Mujahid Yusof Rawa berkata, penganjuran itu diharap dapat menghidupkan suasana budaya dan sejarah Lebuh Acheh yang dikatakan kaya dengan pengalaman multi etnik.

"Adat 'Jojak' atau pantang tanah akan dipersembahkan, selain, pantun dan sesi bercakap (dalam) bahasa dialek Rawo oleh pesara guri dari bangsa India yang mahir dalam dialek Rawo.

"Program ini mampu membuktikan erti kepelbagaian yang menjadi resepi kejayaan Pulau Pinang... (serta) menyemarakkan lagi perkembangan Pulau Pinang melalui kekayaan budaya," ujar beliau semasa berucap pada Majlis Pembukaan Pusat Khidmat Kawasan Dewan Undangan Negeri (KADUN) Padang Lalang di sini baru-baru ini.

Ketua Menteri, Y.A.B. Tuan Lim Guan Eng,

Mohd. Rashid Hasnon (Timbalan Ketua Menteri I), Chow Kon Yeow (Exco Kerajaan Tempatan, Pengurusan Lalulintas dan Tebatan Banjir), Lim Hock Seng (Exco Kerja Raya, Pengangkutan dan Utiliti), Danny Law Heng Keang (Exco Pembangunan Pelancongan dan Kebudayaan) dan Sim Chee Keong (Ahli Parlimen Bukit Mertajam) turut hadir pada majlis anjuran ADUN Padang Lalang, Chong Eng.

Hadir sama, Ahli Dewan Undangan Negeri (ADUN) Machang Bubuk, Lee Khai Loon dan Zolkifly Md. Lazim (Presiden D'BM Hospital).

Mujahid yang juga pengarah program festival tersebut berkata, keraian sehari bermula jam 9.00 pagi hingga 4.00 petang itu turut memuatkan info budaya serta sejarah etnik Rawo di negeri berkenaan dan Malaysia melalui pameran serta persembahan kebudayaan lain.

Tambah beliau, selebriti dakwah seperti Ustaz Akil Hayyi dan Ustaz Don Daniyal Don Biyajed turut akan menyertai festival antarabangsa itu.

Menurut beliau, Penaung YIPP, Datuk Mansor Othman turut berkongsi hasrat yang sama melalui penganjuran festival tersebut.

Difahamkan, Etnik Rawo yang datang ke Pulau Pinang serta membina identiti komuniti



MUJAHID Yusof Rawa menyampaikan ucapan alu-aluan sempena Majlis Pembukaan Pusat Khidmat KADUN Padang Lalang anjuran Chong Eng di sini baru-baru ini.

berniaga sejak penghujung kurun ke-18 lagi.

Sehingga kurun ke-20, mereka

menguasai peniagaan (dalam) bidang kitab agama, percetakan dan pemberongan kain.

Doktor rasis: Exco beri ADUN pembangkang kata dua

Oleh: ZAINULFAQAR YAACOB

GEORGE TOWN - Ahli Dewan Undangan Negeri (ADUN) Pinang Tunggal, Datuk Roslan Saidin yang mengaku wujud tiga doktor rasis di hospital kerajaan di Negeri Pulau Pinang supaya segera mengemukakan bukti berwajib atau mohon maaf atas tuduhan tanpa asas tersebut.

Exco Pertanian & Industri Asas Tani, Pembangunan Desa dan Kesihatan, Dr. Afif Bahardin berkata, Datuk Seri Hilmie Yahaya (Timbalan Menteri Kesihatan) sendiri dalam satu kenyataan di sesawang Malaysiakini.com pada 20 Julai lepas mengaku bahawa dakwaan itu 'mungkin berlaku salah faham'.

"Saya menggesa YB Roslan Saidin agar meminta maaf secara terbuka kepada para doktor di seluruh Malaysia berikutnya yang telah beliau bangkitkan di dalam DUN (Dewan Undangan Negeri) Pulau Pinang berkenaan tiga doktor rasis yang enggan merawat pesakit," ujar Dr. Afif menerusi emel baru-baru ini.

Beliau yang juga Ahli Dewan Undangan Negeri (ADUN) Pantai Jerejak berkata, pihaknya bersetuju dengan cadangan MPMPP mengadakan program Ihya' Ramadan Bubur Lambuk, Jamuan Berbuka Puasa bersama Timbalan Ketua Menteri I (TKM1), lawatan sambil belajar MPMPP ke Tanah Tinggi Cameron, Karnival Kerjaya serta Kursus Pra Perkahwinan.



Dr. Afif Bahardin.



Datuk Roslan Saidin.

bertanggungjawab pemimpin pembangkang Pulau Pinang itu sahaja.

Malah, katanya lagi, Roslan menzahirkan tuduhan sedemikian mungkin disebabkan beliau kecewa dengan sokongan rakyat terhadap pembangkang Pulau Pinang yang nyata kian merosot pada Pilihan Raya Umum Ke-13 (PRU13), 5 Mei lepas.

Terdahulu, Roslan semasa mesyarat penuh di DUN Pulau Pinang dilaporkan menuduh 'Tsunami Cina' dalam pilihan raya umum baru-baru ini kononya sebagai punca tiga doktor berbangsa Cina enggan merawat pesakit berbangsa Melayu di hospital kerajaan tertentu.

Tuduhan itu mengakibatkan Roslan didesak untuk mengemukakan bukti berwajib, namun, beliau mengelak dengan pelbagai dalih.

Ekoran itu, Dr. Afif dilaporkan cuba mendapatkan respons lanjut daripada Kementerian Kesihatan.

Hilmi dalam satu kenyataan kemudian antara lain menyebut, 'Saya rasa tak timbul masalah doktor rasis ini. Mungkin berlaku salah faham'.



MOHD Rashid Hasnon (duduk depan, dua dari kiri) bergambar kenang-kenangan bersama kepimpinan MPMPP di sini baru-baru ini.

Kembang bakat 600 siswa melalui KN - TKM1

Oleh: ANNAS ZAINUL ABIDIN

GEORGE TOWN - Timbalan Ketua Menteri I, Mohd. Rashid Hasnon berharap lebih 600 mahasiswa yang menyertai Majlis Perundingan Mahasiswa Pulau Pinang (MPMPP) dapat mengembangkan bakat masing-masing melalui program-program rasmi yang dianjur bersama Kerajaan Negeri.

"Tidak ada gunanya 'kerajaan hari ini' sekiranya lebih 600 pelajar pra universiti dan mahasiswa yang menyertai MPMPP tidak boleh mendapat apa-apa manfaat.

"Selain fokus pada kecemerlangan akademik, jangan takut menempuh kesibukan melalui program-program

kemasyarakatan kerana pengalaman itu adalah guru terbaik untuk mengembangkan bakat mahasiswa nanti," ujar beliau di sini baru-baru ini.

Hasrat itu disampaikan dalam satu majlis interaksi dua hala dengan kepimpinan MPMPP.

Beliau yang juga Ahli Dewan Undangan Negeri (ADUN) Pantai Jerejak berkata, pihaknya bersetuju dengan cadangan MPMPP mengadakan program Ihya' Ramadan Bubur Lambuk, Jamuan Berbuka Puasa bersama Timbalan Ketua Menteri I (TKM1), lawatan sambil belajar MPMPP ke Tanah Tinggi Cameron, Karnival Kerjaya serta Kursus Pra Perkahwinan.